



Broj: 12/08-23-10684-6/21

Zenica, 01.10.2021.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-10684-5/21, od 30.09.2021. godine, u otvorenom postupku javne nabavke za radove broj: 1417-1-3-31-3-30/21 od 02.08.2021. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Modernizacija dijela regionalne ceste R474a Alibegovački most-Bejići-Makljenovac-Vila(spoj sa M17)” broj: 1417-1-3-31-3-30/21 od 02.08.2021. godine, ponuda ponuđača „DOBOJPUTEVI“ d.d. Doboj Jug (broj: 01/I-1801/2021 od 02.09.2021. godine) sa ukupno ponuđenom cijenom od 291.613,55 KM (bez uračunatog PDV-a) izabrana je kao najpovoljnija.

II

Ponuđač „DOBOJPUTEVI“ d.d. Doboj Jug (ID broj: 4218113270004), adresa Usorska 130, 74203 Matuzići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „Komgrad-Ze“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „GEO-PUT“ d.o.o. Maglaj se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „MGV gradnja“ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ponuda ponuđača „HAJDIĆ“ d.o.o. Maglaj se u skladu sa članom 66. stav (1) Zakona o javnim nabavkama BiH („Službeni glasnik BiH“ broj: 39/14), odbacuje zato što ponuđač na Zahtjev ugovornog organa nije dostavio osnovano obrazloženje neprirodno niske cijene.

V

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

VI

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-10684/21 od 02.08.2021. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-31-3-30/21 objavljeno je na Portalu javnih nabavki 02.08.2021. godine.

Komisija za javne nabavke imenovana rješenjem broj: 12/08-23-10684-4/21 od 30.08.2021. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 8 (osam) ponuda.

U periodu od 02.09.2021. godine do 17.09.2021. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača „Komgrad-Ze“ d.o.o. Zenica se odbacuje jer nije dostavljena u skladu sa uslovima iz tenderske dokumentacije.

Tačkom 15.6. Tenderske dokumentacije propisano je da „Sve ispravke u ponudi moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke“.

U ponudi ponuđača „Komgrad-Ze“ d.o.o. Zenica na strani 3. u dijelu „SADRŽAJ PONUDE“ navedeno je „Naša ponuda sadrži dokumenta označena od 1 do 20 (na mjestu broja 20 prvobitno je upisan teško vidljiv broj 19 a potom ispravljen u broj 20“ s time da ova ispravka nije potvrđena potpisom ponuđača i datumom izvršene ispravke.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), **ponuda ponuđača „Komgrad-Ze“ d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.**

Ponuda ponuđača „GEO-PUT“ d.o.o. Maglaj se odbacuje jer nije dostavljena u skladu sa uslovima iz tenderske dokumentacije.

Tačkom 29.1. Tenderske dokumentacije propisano je da „Ponuđači koji učestvuju u postupku javne nabavke dužni su uz ponudu dostaviti originalnu bezuvjetnu bankovnu garanciju za ozbiljnost ponude – original. Iznos tražene garancije za ozbiljnost ponude je 1,5% od procijenjene vrijednosti nabavke, odnosno 5.128,20 KM (slovima: pethiljadastodvadesetosam i 20/100 konvertibilnih maraka) ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije.“

Ponuđač „GEO-PUT“ d.o.o. Maglaj je u svojoj ponudi dostavio garanciju za ozbiljnost ponude broj: 30673 od 25.08.2021. godine izdatu od SPARKASSE d.d. BiH. Međutim, u dostavljenoj Garanciji u drugom stavu upisano je „Za učestvovanje u ovom postupku ponuđač je dužan dostaviti garanciju za ozbiljnost ponude u iznosu od **1,38% procijenjene vrijednosti** ugovora, što iznosi **5.128,21 KM** (riječima: pethiljadastotinudvadesetosam i 21/100 konvertibilnih maraka). U trećem stavu Garancije navedeno je „U skladu sa naprijed navedenim, Sparkasse Bank dd BiH, Zmaja od Bosne br. 7, 71000 Sarajevo, se obavezuje neopozivo i bezuslovno platiti na naznačeni bankovni račun iznos od 5.128,21 KM (riječima: pethiljadastotinudvadesetosam i 21/100 konvertibilnih maraka).“

Tačkom 29.2. Tenderske dokumentacije propisano je da „Forma garancije za ozbiljnost ponude propisana je tenderskom dokumentacijom – Prilog IX tenderske dokumentacije.“, a u tački 29.3. Tenderske

dokumentacije propisano je da „U slučaju da ponuđač propusti dostaviti garanciju za ozbiljnost ponude u skladu sa navedenim tačkama tenderske dokumentacije njegova ponuda će biti odbačena.”.

Tačkom 15.1. Tenderske dokumentacije propisano je da „Ponuđač ne smije mijenjati ili nadopunjavati tekst tenderske dokumentacije“, a u tački 15.4. Tenderske dokumentacije propisano je da „Ponuda treba sadržavati najmanje: ... k) Garancija za ozbiljnost ponude sačinjena u formi datoj u prilogu tenderske dokumentacije - Prilog IX“.

Dakle, ponuđač „GEO-PUT“ d.o.o. Maglaj je postupio suprotno odredbama tačke 29.1., 29.2., 15.1. i 15.4. Tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača „GEO-PUT“ d.o.o. Maglaj se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „MGV gradnja“ d.o.o. Zavidovići se odbacuje jer nije dostavljena u skladu sa uslovima iz tenderske dokumentacije.

Tačkom 29.1. Tenderske dokumentacije propisano je da „Ponuđači koji učestvuju u postupku javne nabavke dužni su uz ponudu dostaviti originalnu bezuvjetnu bankovnu garanciju za ozbiljnost ponude – original. Iznos tražene garancije za ozbiljnost ponude je 1,5% od procijenjene vrijednosti nabavke, odnosno 5.128,20 KM (slovima: pethiljadastodvadesetosam i 20/100 konvertibilnih maraka) ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije.“

Ponuđač „MGV gradnja“ d.o.o. Zavidovići je u svojoj ponudi dostavio garanciju za ozbiljnost ponude broj: 30719 od 30.08.2021. godine izdatu od SPARKASSE d.d. BiH. Međutim, u dostavljenoj Garanciji u drugom stavu upisano je „Za učestvovanje u ovom postupku ponuđač je dužan dostaviti garanciju za ozbiljnost ponude u iznosu od **1,38% procijenjene vrijednosti** ugovora, što iznosi 5.128,20 KM (riječima: pethiljadastotinudvadesetosam i 20/100 konvertibilnih maraka).

Tačkom 29.2. Tenderske dokumentacije propisano je da „Forma garancije za ozbiljnost ponude propisana je tenderskom dokumentacijom – Prilog IX tenderske dokumentacije“, a u tački 29.3. Tenderske dokumentacije propisano je da „U slučaju da ponuđač propusti dostaviti garanciju za ozbiljnost ponude u skladu sa navedenim tačkama tenderske dokumentacije njegova ponuda će biti odbačena.”.

Tačkom 15.1. Tenderske dokumentacije propisano je da „Ponuđač ne smije mijenjati ili nadopunjavati tekst tenderske dokumentacije“, a u tački 15.4. Tenderske dokumentacije propisano je da „Ponuda treba sadržavati najmanje: ... k) Garancija za ozbiljnost ponude sačinjena u formi datoj u prilogu tenderske dokumentacije - Prilog IX“.

Dakle, ponuđač „MGV gradnja“ d.o.o. Zavidovići je postupio suprotno odredbama tačke 29.1., 29.2., 15.1. i 15.4. Tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača „MGV gradnja“ d.o.o. Zavidovići se odbacuje, jer nije potpuna i ne ispunjava zahtjeve iz tenderske dokumentacije.

U skladu sa članom 65. Zakona o javnim nabavkama BiH („Službeni glasnik BiH“ broj: 39/14) i članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14) Komisija je izvršila analizu ponuđenih cijena te je utvrdila da je ponuđena cijena ponuđača HAJDIĆ d.o.o. Maglaj neprirodno niska.

S tim u vezi, komisija za javne nabavke je dana 20.09.2021. godine putem faksa broj 032/618-460 i e-maila hajdic@bih.net.ba uputila ponuđaču "HAJDIĆ" d.o.o. Maglaj Zahtjev za Objašnjenje cijene, broj 12/08-23-10684-4-6/21 i zatražila da najkasnije do 23.09.2021. godine do 14:00 sati u pisanoj formi putem e-maila min.prostorno@zdk.ba ili putem faksa 032/460-702 dostavi detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene ponude koja je u skladu sa članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14) ocijenjena neprirodno niskom.

U ostavljenom roku, pozvani ponuđač "HAJDIĆ" d.o.o. Maglaj nije dostavio traženo Obrazloženje cijene ponude, te se njegova ponuda u skladu sa članom 66. stav (1) Zakona o javnim nabavkama BiH („Službeni glasnik BiH“ broj: 39/14) odbacuje.

Ostale pristigle ponude ispunjavaju postavljene uslove, te je za 29.09.2021. godine zakazano provođenje e-aukcije, sa početkom u 14:00 sati i predviđenim trajanjem od 10 minuta. E-aukcija je uspješno okončana te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„DOBOJPUTEVI“ d.d. Doboj Jug	291.613,55 KM
2.	„POROBIĆ“ d.o.o. Zavidovići	317.169,16 KM
3.	„ŠPIC-BETON“ d.o.o. Zenica	339.708,61 KM
4.	„JATA GROUP“ d.o.o. Srebrenik	341.711,80 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „DOBOJPUTEVI“ d.d. Doboj Jug. Ugovorni organ prihvatio je preporuku Komisije za javne nabavke da se najpovoljnijem ponuđaču, „DOBOJPUTEVI“ d.d. Doboj Jug, dodijeli Okvirni sporazum/Ugovor za radove Modernizacija dijela regionalne ceste R474a Alibegovački most-Bejići-Makljenovac-Vila(spoj sa M17). Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

8 x svim ponuđačima,

1 x a/a

Obradio:
Elmedin Bašić

Saglasan: ARNEL ISAK, ministar

DIREKTOR
po ovlaštenju ministra

(Rasim Kovač)